

't OL KOUDAIP.

Van Scheemte noar de Vairstroom  
Van Vairstroom noar Oostwold  
Doar ligt in hooge walen  
Ons daip al eeuwen old.  
Je kennen der rusteg vissen  
Zien woater is goud fris  
Allène in de hoaven  
Rokt het noar lekkeris.

Refrein:

Koudaip, Ol Koudaip,  
Daip van mien loug en mien jeugd  
Koudaip, Ol Koudaip,  
Daip van mien speul en mien vreugd  
Het soest en het waait  
en het roest in dien rait  
Vergeet dei joaren toch nait  
Het soest en het waait  
en het roest in dien rait  
Vergeet dei joaren toch nait!

Je kennen der hondje kroepen  
En worren den goud schoon  
Allèn blift brabbel zitten  
Al aan joen dikke toon  
Je kennen der kaaiern, rusten  
In zummer menneg uur  
En aan zien boorden lustern  
Noar stilte van natuur.

Refrein:.....

En elke dikke winter  
Den hedden'n gladde noan  
Elk gait ter den aan 't scheuveln  
En let zien arbaid stoan  
't Ol Daip is nou verdwenen  
Zien tied dei gong veurbie  
Moar in ons haart blift zingen  
De olle melodie.

Refrein:.....